



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

3. Cognitio sui.

[urn:nbn:de:hbz:466:1-68709](#)

dum nescit, incanescit caput, rugatur facies, cutis extenta contrahitur & exarescit.

III. (c) Atque hæc de vanitate melioris formæ. Nunc quisquis es, Narcissule, exemplo ductus cognomine, *philavtiām* cave; quamvis tibi blandum illud occinat Corydon aliquis:

Huc ades, ô formose puer, tibi lilia plenis

Ecce ferunt Nymphæ calathis: tibi candida Naïs

Pallentes violas, & summa papavera carpens

Narcissum, & florem jungit bene olentis anethi.

Insidiosum & multorum exitio periculosum est carmen. Potius ex eodem Poëta audias:

O formose puer, nimiū ne crede colori,

Alba ligustra cadunt, vaccinia nigra leguntur.

Naïs & Thaïs vicina sunt nomina; flores ferunt, & auferunt. Tirefias monet:

Tempora maturæ visurus longa senectæ

Fatidicus vates, si se non noverit, inquit.

Hæc ille Narciso. At tu, si me auscultas, fac, *te ipsum noveris.*
Accipe ænigma: *cum te bene noveris, minime te noveris,* disces enim,

----- quām totus homuncio nil sit.

Disces, in deformi corpore, pulchrum latere ingenium, & hebes in formoso. Ovid. epist. 15.

----- ingenio formæ damna rependo meæ.

Neque raro videmus comptulos Narcissulos, esse cerebro vacuos, & quod in adagijs est, *pistillō retusiores.* Euripides ait:

Animus spectandus est: nihil pulchritudo

Juvat, cum quis mentem non bonam habet.

Et Seneca epist. 66. Potest è casa vir magnus exire; potest è deformi, humilique corpusculo formosus animus ac magnus; ut intelligamus, non deformitate corporis fœdari animam, sed pulchritudine animi, corpus ornari. Simiæ, quod Aelianus narrat lib. 17. c. 25. obiectis speculis capiuntur, quæ suæ formæ aspectu delinitæ tamdiu aspiciunt, donec hebescant oculi, & cæcutientes faciliorem sui capturam faciant. Amorem sui esse puta simium; videndo perit. Simiæ cùm pererint dicuntur tanquam statuas defixis oculis fœtus intueri, pulchritudinem admirantes. Faciunt idem, qui sibi stulte blandiuntur sive de formæ præstantia, sive prosapia generis, sive opum affluxu, sive hono-

tum fulgore, sive ingenij felicitate, quibus omnibus occinas, quod Naso Ovidius:

Tua se fallit imago. Et illud: Te perdis, dñe te queris.

Huc facit, quod narcissus sit flos Diis inferis sacer, ut qui floreat tantum, & transeat, neque ullum ex se fructum edat: ita & ingenia præcoccia (Narcissos puta comptulos & gratosulos) haud facile perveniunt ad frugem. *Farnabius.*

IV. Ad Narcissum adjungendus videtur alter adolescens, *Hyacinthus* nomine, de quo Ovid. lib. 10. Metam. Natus is erat *Amyclis*, urbe Laconiae, Apollini comprimis charus. Qui dum cum adolescenti exercebat se lusu disci, forte orbis lusorius per inanc giratus, in humum solidiorem incidit, indeque subsiliens, magna vi illisus est in frontem *Hyacinthi*, discum tollere properantis. Accepto vulnere puer collapsus, extinguitur. Cruor in florem cognominem, seu lilyum purpureum vertitur. In folijs hujus floris ita distractur venæ, Græcarum ut litterarum figura *ai ai* legatur inscripta; quæ sunt vocula lamentantium, nam Phœbus doloris sui argumentum perpetuum in hyacintho flosculo extare voluit. Eadem syllabæ initium sunt nominis *Aiacis*, qui Græci *aias*, de quo inferius symb. 74 Is præ indignatione, ob prælatum sibi in judicio Ulyssem, in suummet gladium incubuit.

— rubefactaque sanguine tellus

Purpureum viridi genuit de cespite florem,

Qui prius Oebalio fuerat de vulnere natus.

Scilicet de *Hyacinthi* sanguine; cuius nomen, quemadmodum Nareissi, pro venusto puero usurpatur. Diximus, quam labile sit bonum Forma, quam citè decidat, instar floris evanescat; Plinio teste, quæ spectatissimè florent, celerimè marcescant. Et aptè Veri respondet jumentus; ipsa enim est quasi ver atatum, sed breve & evanidum.

(d) Nec forma tantum, sed voluptas etiam, quid aliud est, quam flos temporis? dum ludimus, dum lascivimus cum *Hyacintho*, repente nos destituit, & in terra deponit.

Est & hoc in *Hyacintho* observandum, quod non minus Zephyrus, quam Apollo, ejus amore captus fit, & alter alteri delicium suum præripere studuerit. Zephyrus amulatione concitatus, flatu suo discum à Phœbo emissum, in *Hyacinthi* caput impulit. Ita fieri solet minus castè vel amantibus, vel amatis; Amor ipse carnifex est, si non corporis, certè animæ. Viveres, *Hyacinthe*, si minus & tu placuisses riva-

libus;

(d) *Amoris inbonefi fons.*